



PERDANA
LEADERSHIP
FOUNDATION
YAYASAN
KEPIMPINAN
PERDANA

PERDANA LIBRARY
PERDANA LEADERSHIP FOUNDATION
NEWSPAPER CLIPPING

Newspaper	Suara Keadilan
Date	27/03/2012

Selesaikan dulu gejala rasuah di negeri BN — Anwar Ibrahim

Najib tak payah ajar Selangor

Suara Keadilan - 27/3/2012



KETUA UMUM KEADILAN, Datuk Seri Anwar Ibrahim menempelak Datuk Seri Najib Razak yang mahu menguasai kembali Selangor pada pilihan raya umum akan datang.

Anwar mempersoal keyakinan Perdana Menteri itu apabila pada masa sama negeri dalam pentadbiran Umno BN sendiri menghadapi pelbagai masalah.

“Kamu datang dan beritahu nak rampas Selangor? Negeri BN sendiri penuh masalah rasuah dan kecurian tanah dan balak. Kemudian kamu ke sini dan nak ajar kami mentadbir negeri?” katanya.

Anwar berkata, pemimpin Selangor dan negeri

lain yang ditadbir Pakatan Rakyat, bersih daripada rasuah dan tidak merompak hasil kekayaan negeri.

“Kita datang untuk ceritakan rekod kerja kita selama empat tahun mentadbir Selangor. Anda boleh lihat sendiri perubahan di negeri ini berbanding lima tahun dulu,” katanya.

Najib kebelakangan ini giat mencanangkan hasrat Umno BN untuk merampas kembali Selangor.

Awal bulan lalu, Umno mempolitikkan mangsa banjir kilat di Bukit Belacan dengan mengarahkan jentera kerajaan dan askar untuk mengagih bantuan tetapi menghalang mangsa ke pusat bantuan kerajaan negeri.